

古蹟

縣

城

門

臺

堂

樓

宅

亭

軒

一

山川猶是歲月猶是而傳諸來禩巖壑生輝蹟之古也誰古之中有人焉梁灣史柳雷宅陶居尸祝者或用遺愛繫思好事者亦以流風見賞矧文翁化蜀宅在邑東梅帥督軍臺傳治左則夫登番君故城以望其所嘗漁獵處與顏范之所經營梅溪景廬之所咏歌而遊賞古曰在昔昔曰先民雲嵐草木如或見之撮而錄焉弔古則快臥遊傳恭彌深曠感已

鄱陽故縣

在縣東六十里吳芮徙今治

按後漢書雷仲公傳注謂鄱陽縣在今饒州鄱陽縣東

鄱陽縣志

卷二十二

古蹟

不知章懷特從其始以數典抑東漢尚在故縣不在今處即番君徙治之云尚須博考

鄱陽縣

在鄱陽縣西北一百二十里按鄱陽記云漢高

六年置劉宋永初二年廢

廣晉縣

在縣西北一百八十里今名廣晉鄉有城基晉

有廣晉縣疑吳時所置鮮于琮作亂殺廣晉令即此

武陽縣

即武陽鄉今屬和南鄉在城西北一百二十里

漢初置縣屬豫章郡晉屬鄱陽郡宋永初廢史記索隱所謂豫章按鄱陽界地名白沙有小水入湖名白沙湖湖東南有武陽亭者即此



觀獵城

在府城西十八里漢吳芮觀獵處

英布城

在縣西北百五十里有為吳芮壻使將兵屯此

童敏故城

在治東後山隊地名水南隋大業間兵起邑

人袁贇為長相保居此

涪州城

在縣西一百三十里唐武德間置

利陽鎮城

在郡城東北一百四十五里元季于光保障於

此因築城以守周五里許及光移鎮浮梁徙石增築浮梁縣城今垣塹尚存

古城

在郡城東北一百七十里地當鄱浮之衝不詳所

自垣址尚存

鄱陽縣志

卷二十二

古蹟

黃金采

西漢地理志鄱陽武陽鄉有黃金采采者採取

金之處武陽名湮已久唯里仁鄉傳有穿金塢疑即此今亦不可考矣

高門

在今千戶解正南出芝山驛元壬辰塞之今稱月

波門為高門非

小東門

在城東出浮洲寺元末據守者塞之

督軍臺

即今浮洲吳芮將梅銷習水軍於此

觀魚臺

在蠓洲門外相傳吳芮觀魚於此

遐觀臺

在城上

清風臺

在舊州治內宋時築



高明臺

在舊州治內通判廳南

番君學堂

見書院

慶朔堂

遺事錄云文正公所創在州圃之北偏左瞰蜀

錦右連流杯前占春香靜虛傍對湖光四望儀乎諸侯

藏朔焉所以題之曰慶朔親植花卉欄為二壇公既移

潤作詩云

慶朔堂前花自栽便移官去未曾開年年憶著成離恨祇託春風管勾來

兼詩

史君去後堪思處慶朔堂前獨到來

爭不怨滿園紅白為誰開

知州畢京詩

舊徑栽春園不惜為時開

幾多民俗熙熙樂似到老時

臺上來

提點刑獄陳希亮詩

鄱陽縣志

卷二十二 古蹟

三

瞻儀堂

宋范仲淹創

玉芝堂

在舊州治內宋通判張某建

王十朋詩 不是因三秀名堂意自

深要居森戟地 毋忘采芝心

後知州唐震死節於此

九賢堂

在舊州治內宋紹聖中通判陳貽範建九賢者

吳周紘晉虞溥梁陸襄隋梁文謙柳莊唐馬植李復顏

真卿宋范仲淹

王十朋詩 猶起才難歎同時九亂臣 鄱陽干載守賢豈許多人

三賢堂

在舊州治內祀唐顏真卿宋范仲淹洪皓

四賢堂

在舊州治 王十朋詩 推品鄱陽守四人賢不

鎮靜堂

明千戶所正廳總制宋炳創

問鑄堂

在永平監內唐鑄錢處

宋洪邁詩 一作洪皓詩 澤國春寒未見花一



江流水夕陽斜我來試上津頭望問鑄堂前有幾家

識山堂

宋別駕矢性創彭汝礪記在舊州宅桃源山天

晴登之可望廬山於三百里外樓鑰詩廬山之高誰

往來山中最親切嶺為橫看峯是側曾從彭蠡望山外

識得山南味山北山體如如本不動人欲求之愈多惑

君今一堂據西城香鑪五老皆嘉賓莫問後前與向背

面目還君不識真君今與山如故人傾蓋或作白頭新

堂上熱坐靜且壽君其於今知吾仁明陳策詩廬

山高萬仞百里烟一抹望望送青來吳楚此奇絕

平政堂 在舊州治王十朋詩 愷悌周君子循良漢守

鄱陽縣志

卷二十二 古蹟

鄱陽登樓見父老有年九十者上悅以為守臣保障力

柳公樓

在城西北角梁柳惲為鄱陽守所創凭眺顯豁

實江國之勝景唐大歷中第五琦改為望陽樓貞元十

九年李吉甫復其名循舊迹也

百花樓

在舊州宅王十朋詩 昔日風流守公餘種百

江湖偉觀樓

在行春橋側宋時建

悠然樓

嚴氏書樓元揭傒斯有寄題詩

文翁宅

在縣東一百五十里基址俱存東帶鄱陽南連

溪水西接望夫岡有井澄清隴前栽桐樹

雷義宅

在縣東北七十里大雷岡後漢雷義所居宅基

照樓巖官無暇諸樓觀皆屢更名惟此不改明太祖幸

鄱江樓

在郡治南城上唐錢起有詩宋王十朋詩 郭

永平監

唐元和置在郭東每歲鑄錢七千貫



有井井中有鐵斧

雷煥宅

在縣東北九十里小雷岡晉雷煥所居

戴叔倫宅

在薦福寺唐德宗時潤州戴叔倫來訪刺史

馬戴戴為築宅湖上居之

堯故亭

在堯山山下平陵有古大堂基十餘處今雖夷

漫跡猶可識謂曰堯故亭父老相傳堯南巡登此山故

一亭即其行宮 通志

四望亭

舊在郡城上范文正公建今千戶所前最高處

是 王十朋詩 俯仰一亭間

有澤宜觀水無簷不見山番君千里國

魯公亭

在城東薦福山有唐歐陽詢所書寺碑顏魯公

鄱陽縣志

卷二十二 古蹟

五

真卿 一曰宋曾 魯公布

嘗覆以亭故名

明邑人 卿 齊有辯

相傳范仲淹

為守時有書生獻詩詩工苦困窮欲募寺碑千本使售

以自給紙墨具一夕雷轟其碑後相傳詩有時來風送

滕王閣運去雷轟薦福碑之句宋邑士胡元見宴使臣

亭中者感而賦詩有魯公當日如知此不向湖邊構此

亭之句明成化天順間繼修後圮嘉靖間兵備史褒善

知府黃宗器重建

戴儒 有記

萬歷間亭燬今址存

國朝邑 人程文範

詩

昔時顏太守千古共徘徊不及遭秦火空亭土一

芝亭

唐龍朔初刺史薛振采芝土素山北岡郡人為立

亭危波屹立可眺匡廬後改為三秀亭久廢乾隆七年



分巡叅政李根雲重建仍名芝亭自撰碑記見藝文人邑

程作舟詩 昔日薛公來芝草自呼蝶今日薛公去芝草空凋零靈應本不爽盛衰若有情我登芝山嶺欲訪采芝亭晴雲騎古樹倦鳥戀孤墳仙洞白石爛梵刹蒼苔平古人不復作遺愛或未溼願言躡芳踪毋使荆棘生

秋香亭 在永平關右監前宋景祐間提點鑄錢使魏兼

創培菊十數本因名范文正公有賦見藝文

采芹亭 宋時遷學於城東北湖濱築堤橫亘建亭其上

宋毛滂有記

五老亭 在芝山巔遺事錄云五老峰廬山之勝也饒去

江殆數百里而州北芝山院危坡屹起晴霽間可以瞰

鄱陽縣志 卷二十二 古蹟

六

馬公下車題芝山寺有偶臨西閣望五老夕陽開之句

寺僧遂作五老亭於危坡之頂饒之人寒食以芝山為

踏青所至者必曰范公五老亭也

鄭公亭 在城東北五里宋鄭日新令鄱民懷其德立亭

當路故名後吳宏遣部下夏升於此置柵以邀來兵亭

遂廢

野處亭 在城西蟻洲宋洪景廬退居孝宗御書野處二

字賜之遂名

蜀錦亭 在慶朔堂右宋范文正植海棠二株後守鄒柯

慕文正為立亭題曰蜀錦 王十朋詩 亭去名獨在春來花自芳猶餘蜀中錦愛惜



比甘棠 國朝邑人閔齊追記之 蜀錦亭者宋太守  
鄒柯所築也其亭在城西桃源山麓舊府治內慶朔堂  
之右自宋以後舊治屢經兵燹數易其處今居永福寺  
西偏又聞數百年矣至問所謂慶朔堂者厥址久莫可  
考而蜀錦亭則按志乘可知也雖然彼亭也固為鄒守  
所築而范公之遺澤實有不可得而斬者粵稽范公在  
饒為郡時偶植海棠二株鄒守繼之因築亭其地題曰  
蜀錦以寓仰止之思及讀王龜齡詩亭去名獨在春來  
花自芳猶餘蜀中錦愛惜比甘棠嗟乎龜齡固亦宋宗  
也而亭已去况宋以後哉獨范公之手蹟猶存則甘棠  
之愛猶有所托無何亭去而蜀錦亦隨以去至今數百  
年間滄桑遞變陵谷迭遷低徊憑弔之下漠然徒見山  
高而水清因憶當日者亭去幾時蜀錦之去也何故欲  
問其事而遺老盡矣然其名則載之郡邑志如舊所紀  
後人考其始末不特有以感范公之澤而并有以彰鄒  
守之賢也爰為之記以俟夫茲斯土者緬想前徽重開  
生面三春明媚蜀錦依然彼歐之豐樂蘇之喜雨又何  
以過于斯哉

春香亭  
虛靜亭

俱在舊州治內范仲淹建遺事錄云春香虛靜

鄱陽縣志

卷二十二 古蹟

七

分峙慶朔之前與二花檻並列乃公之所建也慶朔舊  
常為宴賓之憩樂既作于庭而卉木環抱得二亭掩映  
真娛樂之趣也

綺霞亭

在舊州治內王十朋建有詩云

孤鶩同飛處澄江共賦時晚來

亭上看真是謝公詩

清香亭

在舊州宅

王十朋詩 高絮添風韻芳醪共姓  
名蘇州凝燕寢疑是此香清

止水亭

宋江萬里罷相鑿池芝山後園名曰止水人莫

探其意及元兵至城陷赴池死

明邵寶詩 止水池芝

明此心水止心亦止上有青天臨朝臨池暮臨池丞相  
心人不知風塵來江漢滓止水池丞相死他日之心止  
於此 國朝江舉詩 芳草迷離水半池滄桑不改宋  
人悲乾坤血碧傷心地陵墓冬青慟哭時石馬尚疑嘶



故壘玉魚空見長靈芝憑誰龍上驅耕犢麥飯春風未  
有期楊厚詩出水依然髮指冠可憐父老織衰顏  
青蠅弔客來何速白項神鳥聽更難身後無文遺宋玉  
水中路到崖山危亭咫尺陳私祭風雨招魂定不還  
道不士銓詩皇帝屈膝老臣恥自古君臣無此禮似  
州就戮通判降故相身投亭下死此是江南趙家水國  
存與存亡與亡但恨未殉厓山航朝廷不知汪立信何  
必復有文天祥當年飲屍葬何處馬鬣無人表公墓江  
州亦存八角石此地豐碑被誰誤在天列祖誠可憐英  
靈散落蘭亭山紹興陵寢六巫瘞公魂哭然冬青間海  
水如山聚忠魄前有秀夫後世傑丹心火熱不可濡決  
毗漳州誅國賊嗚呼木綿庵內刃加首半閒蟋蟀鳴空  
瀟湖山唾罵憑後人豈若止水孤亭大如斗

會雲亭

在後山隊路口元薦福寺僧月闢建以憩行人

林樾亭

在舊按察分司內明知府陶安建

秋水觀

在子城上宋建

鄱陽縣志

卷二十二

古蹟

八

望戴軒

在玄妙觀東宋周伯恭作取望薦福叔倫故宅

之義張景修吳全節俱有詩見藝文

碧雲軒

遺事錄云芝山寺海會堂後之小軒也外瞰危

石中鱗幽檻軒簷之庭列栽花木蘭蘆諸築似有高人  
達士趨向公守饒時每到寺必適其處愛其閑寂瀟灑  
常為之留題詩見藝文軒久圯乾隆十二年參政李根  
雲重命建造

退思軒

在舊州宅

王十朋詩會得名軒意公餘坐片  
時退思何及矣未退早須思

思賢閣

王十朋記平政堂之北有閣北瞰郡圃九賢堂

四賢堂在焉登其閣思其人遂名之思賢



瀟灑齋

在思賢閣下王十朋建自為記

思賢閣之下

前有隙地僅一畝疊石百拳鑿沼一泓有喬木數株  
蔓絡之蒼然而古雜以桃李橘柚衆芳之植  
清逼燕寢東望砌臺西接玉芝北臨郡園隔以垣墻  
然有山林氣象宜琴宜瑟宜飲酒賦詩簿書微  
平政堂齋中不知也采文正范公郡齋即事詩名  
瀟灑公初為睦州有瀟灑祠廬郡十詩郡人嘗以瀟  
名亭矣及為是州又有齋中瀟灑過祥師向詩言志  
所至以瀟灑見於詩章則胃中之瀟灑可知也讀  
詩至半兩黃花一江明月之句則知公之瀟灑於  
矣讀桐廬十詩至使君無一事心共白雲空則知  
瀟灑於一郡矣讀區別妍媸削平禍亂之賦及先  
之憂而憂後天下之樂而樂之記與萬言書則其  
立朝之風采仗絨分間之威名經世佐王之  
推宵中瀟灑之蘊而見之於為天下國家之大  
嚴陵祠堂記至先生之風山高水長又知公與子  
出處之迹不同易地則皆然山高水長非特子陵  
瀟灑亦公之瀟灑也噫微斯人吾誰與歸是以名齋

鄱陽縣志

卷二十二

古蹟

九

玉雪坡

在舊州宅西宋時建

堯山隱處

唐王少府別墅劉長卿有詩見藝文

小隱

在朝天門外洪景盧別墅一名盤洲菴又有雲竹

莊瓊花園皆諸洪別墅云

錫泉

在郡治左永福寺內味清冽相傳異僧所鑿今寺

僧用水以和丸甚售

高帝井

在城西南木家山舊州治前

明太祖幸鄱時所題咏也有中

間一點澄於鏡任爾風波不動搖之句鐫於石

丹井

在城東十七里馬跡山晉王遙修煉之所刻有斗

壇又有石孟宋開禧中浚井得玉尺井泉始涸

宋直閣程平夫



詩 覺巖石磴不辭綠路斷林端始見天數級半壘依  
古木一泓丹井瑩寒泉松風猶度修篁曲山翠凝藏古  
竈煙自覺身輕有仙骨欲乘鸞鳳到雲邊 袁楠詩  
金鼎閱寒泉真火彌不壞年深定飛騰子夜吐光怪

玉泉砂井 在荆山村每陰雨有雲氣唐貞觀六年荆山

院欽禪師鑿疑龍居其下每旱鄉人請水禱雨必應

七星井 在舊元妙觀左右相傳觀基不利州治范文正

公鑿七井如此丰狀厥之今皆湮廢

勝井 在五十三都官路傍晉時石敬純道經此天旱兵

渴乃拔劍插地泉水湧出因號勝井又名石井

西峯井 在四十九都白湖村相傳西峯禪師出遊有烏

犬隨之經此犬不至插錫杖以候之遂成井請水禱雨

鄱陽縣志

卷二十二 古蹟

十

即應

白泥井 在四都相傳有龍坐其井深一丈圍五尺即極

旱水一日可汲百餘家

九眼井 在永福寺前不詳鑿始井圍可三丈上甃巨石

環而穴九竅故名

蓮花井 在永福鄉山形如蓮花上有石井香泉清冽大

旱不竭

義井 在城西隅本楊氏井泉甘冽不竭明末大旱人艱

遠汲楊氏壞垣出井以界里人里人義之遂以名焉

鐘潭 在四十都梁大同間靈鐘寺大鐘鳴徹百里太清



二年遣使取於朝扣之不鳴遣還至此遂沉於潭使復命壯士千餘人垂綆百餘丈取之將出而綆絕不復是

劉彥昂詩

巨鑪隱靈物潛伏碧潭深冶鑄知因昔傳直到今波濤時洶洶雲霧日陰陰自有為霖志能濟世心何時九霄上鼓舞發清吟

流杯池

宋范文正公鑿舊千戶所後圃一池即其故址

落照池

在觀魚臺下池闊九十步池內有走馬埒

清潭

在永平關南岸螺蛳洲夾港水最清隋梁文謙為

刺史嗜此水後人思其廉因名陰陽家取以實漏滴最

驗

懷蛟水

在縣南二百步江中流石際潭中往往有蛟浮

都陽縣志

卷二十二

古蹟

十一

出傷人畜歲五月五日鄉人競渡於此

萬松關

在薦福山十景中有松關暮雪即此

茶園

在薦福山

百花洲

在督軍湖北東湖十景之一

磨刀石

在城東十五里石痕村山骨生湊水涯晉石敬

純追殺牛昌隱經此

望夫岡

景泰志載陳明與梅氏為姻未成婚梅為魅誘

入大穴洞邃無底明以長絙懸已入取梅令先出明竟

沒其中梅乃誓守每登山而望故名今莫詢其處或曰

在故縣渡西去三十里



范公松 宋知州范文正公植百株於慶朔堂四匝

范公栢 范文正遺蹟云在鄱陽郡學凡十八株俗傳公

遺言栢及地則吾再出今栢枝去地不及二尺

史公柳 史漢柔唐末避亂自溧陽遷饒植柳沿江今柳

林頭是也宋知州史定之立碑大書史公柳三字

詩塚 元魯修學詩李存先生有朋十人皆善賦至正末

罹兵燹思其詩漫逸埏埴為甃刻瘞芝山中太史宋濂

為之銘

按癸亥府志謂序稱刻瘞山中未言芝山也加一芝字

遂相傳詩塚在芝山或以番山香水為據不知樂平古

鄱陽縣志

卷二十二

古蹟

十一

鄱陽地如馬端臨稱鄱陽人是也其言甚辯然考宋學

士集直稱刻瘞芝山舊志所紀即宋公銘文原序宋與

魯同時其聞見必確新志臆為翻駁耳亦未知其所謂

序者何指也

東湖十景 見山川

永壽宮八景 在城北故淮宮舊址明淮康王祁鈺營建

其一蓬萊清隱 明張奇詩 三山元峙海東涯好景移

自開花彤雲殿上黃金鼎紫氣爐中白玉

其二綠竹猗淇 明倪伯圭詩 碧玉千竿潤寒雲倚水

舞蒼龍帶雨橫太平 消息近醉聽渭川笙



其三水漲平溪

明劉莆詩 碧落澄潭靜 天潢別望幽

迴槎拂斗牛 波光金

其四小橋勝蹟

明唐銘詩 蒼波深處駕長虹 路與蓬萊一徑通 梁壓晚溪霞散彩 檻懸晴漢

日生紅兩堤 楊柳重疊 疊祇於此地 會仙蹤 樓閣參差 瞰碧虛 牙籤萬

其五翰墨林

明朱子高詩 樓閣參差 瞰碧虛 牙籤萬

睿書不減石 渠千古 積倍增天 祿九經 儲長年 緇閱無餘暇 風日頻臨 絕靈魚

其六羣芳圃

明趙元璧詩 韶光滿眼 上春臺 淑氣中

雲堆嬌禽 勸飲啼青柳 狂蝶依人 坐綠苔 倒盡金壘 吟不了 夜深衣帶 異香回

其七芸香境

明汪明詩 秀色上 彤庭 清香透 碧扇 堯

隱落螢遙 知登眺 處吹火 玩葩經

鄱陽縣志

卷二十二

古蹟

十三

其八香雪窩

明劉珙詩 天生孤潔性 獨蘊歲寒情 不與雪爭白 肯於冰較清 繞簷供索句 倚檻

似尋盟 月影來山 笛藥珠宮外聲



塚墓

許由之風尚矣而事近乎誣龍門作史蓋亦疑之然  
幸箕山有塚遂實其人而并傳其事志紀塚墓固史  
例哉鄱邑附郭域兆半付狐狸夫庸碌之徒生前赫  
赫死後泯泯宜也然數百里間穹碑大碣龜紐螭趺  
僵仆相望賢者不免誠以墓大夫之職未修塋域無  
常豪強兼并松柏伐而為薪子孫杳乎莫問死士之  
壟誰為申樵採之禁者乎聊紀大畧用表首山匪云  
樂哉斯邱庶幾古而無死

漢

鄱陽縣志

卷二十二

塚墓

古

淮南王英布墓

在城北一百五十里

晉

陶母墓

在城東十里陶桓公母湛氏即牛眠地此傳  
聞也南康郡昌志亦載之今考晉書母墓彭  
澤此或其祖母曾祖母歟

南唐

許夫人墓

在薦福山畔金紫光祿大夫許知柔妻徐  
氏有翁仲

宋

洪公士良墓

在翁潭玄孫樞密遵表其墓隧

洪少師彥先墓

在龍舌嘴

洪忠宣公皓墓

在故縣



洪夫人墓 在二都西山忠宣妻沈氏

洪僕射适墓 在義仁鄉

洪樞密遵墓 在芝山白泥井

洪學士邁墓 在一都龍吼山

彭狀元汝礪墓 在仙壇藥爐山章鳳應續鄱志在浮梁之屏山

熊侍郎本墓 在薦福山有碑

高士章公量墓 在本縣黃山谷作碣蘇文忠題額表之

金谿主簿徐洪墓 在東門外曾鞏志銘

元

吳教授存墓 在黃岡獅子山後執禮橋

鄱陽縣志

卷二十二 塚墓

十五

吳進士齋墓 在星槎都鳳凰山

侍御史周伯琦墓 在宋濂志銘

葉奉禮蘭墓 在永平里夾積巷

胡義士振祖墓 在城北仙壇

考章常山續鄱志有王將軍塚 元和五年饒州司馬李元一于州治

堂西地柱下得白骨一具中抱短劍薛河東集異記有鄱陽忠烈王

墓 蕭氏孫過盱眙邑得發塚盜詰而知之以後迄無傳識後萬歷間

有永福寺後地石壙者 丁亥年移大有倉于其地掘得之僅餘壘盞在內

又有五里堡古墓者 乙巳年樵豎見崩墜中露微光有香餅橫側尋湮塞不可

探若是皆古公卿彥逸窳窳處滅蕪久已孰能遍



得其碣而封之

明

淮靖王瞻煥墓

淮康王祁銓墓

淮定王佑榮墓

淮莊王佑楨墓

淮憲王厚燾墓

淮恭王載培墓

淮順王載堅墓

淮王翊鉅墓

鄱陽縣志

卷二十二

塚墓

十六

淮王常清墓

清江端裕王墓

俱在八都安山

永豐王祁鉞厚煇墓

俱在府城西梧桐山

永豐王見淨祐相墓

俱在浮梁星槎都白旄山

南康王見浴墓

在青山渡

南康王祐祠厚燹墓

在仙壇

德興王見渚墓

在二都一畝

德興王祐榑厚燮墓

俱在龍吼山

順昌王府墓

俱在府城北六十里花橋

崇安王府墓

俱在府城北二十里鳳凰山



高安王厚炅墓 在府城北二十里郝家橋

高安王載堦墓 在范源

吉安王府墓 俱在府城東北黃荆山

嘉興王府墓 在博士湖

紹興王府廣信王府墓 俱在龍吼山

金華王府墓 在府城北十七里汪王廟

劉博士彥禹墓 在義城龜山

何處士英墓 在

周文學輿墓 在

徐澹湖素墓 在

鄱陽縣志 卷二十二 塚墓

劉隱士潤芳墓 在餘干北湖

胡忠臣閏墓 在

劉孝子彥清墓 在小渡

詹訓導正墓 在

王修撰釐墓 在

章太守復墓 在

王府尹弼墓 在一都八畝大塘里牛欄冲

劉通政濟墓 在芝山傍

邱蘇州霽墓 在十七里坂

賀御史霖墓 在青山渡



胡康簡公韶墓 在城北東園

彭御史程墓 在

王愍忠公址墓 在 面小神山

劉柳州璉墓 在城北東園

余少宰祐墓 在利陽鎮

張參議岐墓 在

余忠諫廷讚墓 在寧都虎杖源

劉中丞城墓 在餘干北湖舊志作劉烈墓

嚴教諭彪墓 在十七里團山

舒學憲春芳墓 在楊玖橋金山

鄱陽縣志 卷二十二 塚墓 大

姜探花金和墓 在三四都十三團雲龍山

歐陽解元杲墓 在

史處士可甦墓 在一都栗山

嚴穎川而泰墓 在青山渡

羅方伯元禎墓 在龍吼山後琵琶洲

陳方伯文衡墓 在

史運使桂芳墓 在利陽鎮古田白石山

陳給諫嘉訓墓 在張官嘴

強學博尚質墓 在芝山左側面白兔嶺

王驃騎思烈墓 在六都鸞山裡



紀進士鑣墓 在山背村河湖峯

紀知州杭墓 在東北關鄭公橋

史永平乘古墓 在五十五都泊後山

國朝

王祭酒傳墓 在千秋鄉太保嶺

按古墓大夫以辨族葬不拘壙脈貴賤有期禮也

迨景純論著楊曾繼之人爭惑焉然而乘氣受蔭

說弗盡謬伊川所謂死者安則生者安與言形氣

相為首尾者旨頗似已即朱子不憚遷卜亦唯五

惠是避 令後世不為城郭道路溝池耕犁所及豪貴所奪 非若近世希富

鄱陽縣志 卷二十二 塚墓

十九

貴之為誕也蓋尤悲夫藁舁未脩畢鬲徒湮久且

爵里無徵冥漠紀號竊感陵谷之哀烏能已已茲

據習睹為錄用是五父之殯藉有所稽其多昧佚

尚俟識者補之 劉司空原跋

